

---

Di Umberto Amato

( la scena si svolge in una stanza ben arredata,che, denota una certa agiatezza del proprietario.Inizia con la presenza del padrone di casa Calogero ed il suo amico d'infanzia Puddu che stanno giocando a carte,parlando ogni tanto del più e del meno .rivangando i vecchi ricordi.)

Calogero : Pecciò Puddu,u sta' virennu com ni finiu?

A ma travagghiatu tutta 'na vita,jè uora  
Facemu i pinsiunati binistanti!!

Puddu :-Iai raggiuni Calò,a ma crisciutu 'nsemi

Jè nun'nni putemu lamintari!!!!

In giovintù,na ma fattu ri cotti e di cruri!

Mih....!!!quannu mi rioddu tutti l'avvinturi

Amurusi ca ma' passatu, ancora ma rriz-

Zunu i carni!!!Ma tu tu ricordi chi tipu di

Malacanni ca ierutu??Miiih!!!na fimmina

Nun s'à scagghiava cu tia!

Ma chi cci facevutu???

E jù ma vo'accuntintari ro scartutu!!!

CAL - : Ohu!!!! Possibili ca sinu a oggi nun 'ta

Pututu ttrasiri 'da testa ca jù era e sugnu

Di 'nautru pianeta?????

Avevu i miei metodi,jè sulu accussì mi

Cascavunu ne' peri!!!

PUD - : Si!!!!tannu!!!! no uora!!!!ormai t'arritirasti

Ca...dà to tana!!!jè a 'stutasti tutti cannili

- Specialmente di quannu mossi to mugheri
- CAL - : Puddu!!! Ma chi stà 'ncucchiannu???? 2  
 Viri che cannili sempri Addumati  
 Sunu!!!jè comu sbambunu quannu sentun  
 Ciauru di sarbaggiu!!!  
 Viri ca jù, 'na vota a simana sacciu unni  
 S'astutunu i cannili!!!jè chissu mà basta!  
 Puddu!! Tu cunfidu a ttia sulu picchì semu  
 Comu a ddu frati,jè nun vogghiu ca sa  
 Sapiri in giru!!Mi raccumannu!!picchi  
 Senò i me figghi ma fanu viriri cchiù niura  
 Ra mezzanotti!!!Si scantunu cu jù dilapidu  
 Tutti i mè proprietà jè a iddi nun c'ha  
 Resta nenti!!Comu suddu avissunu fattu  
 Iddi ca funcia!!!!
- PUD. - : A certu i proprietà sunu assai!!!senza  
 Cuntari ddu bellu palazzu ca jai a sei  
 Piani,ddu vignetu can un finisci mai ca  
 Fa vinu ca tu m'ha fattu assaggiari,jè ppoi  
 Sta palazzina cu tutti sti'nquilini !!!  
 Iautru ca pinsioni.... ca pigghiu jù!!!  
 Sulu ppe sigaretti ma bbastano!!!!  
 Ma nun mi lamentu !!pi llo menu nun  
 Iau a nuddu ca mi tira i peri!!!
- CAL. - : Puddu...ma chi stà ricennu...viri ca  
 Quannu s'ncumincia a ddivintari vecchi,  
 facemu a tutti 'mpacciu!!!  
 I mè figghi venunu.ccà tutti i simani

3

Specialmente ,a fini misi,quannu a na  
Paiari i bullette ra luci ri l'acqua condo-

PUD. - Ma picchi'??nch' à ccattasti na casa  
All' unu!!! Chi vanu ciccannu ancora?  
Vo' ddiri ca quannu tinni stonni tu cha'  
Restano tutti cosi a iddi,raccussì sunu  
Cuntenti!!!!

CAL. - : A quali ....quali ....I viru a tutti da  
Faccia ..ogni vvota cavenunu ccà!!!  
Poi... i beddi de mariti...pari can a fattu  
L' accoppiate vincenti!!!A unni i ienu a  
Truvari???Mi parunu ttri bicchini c' as-  
Pettunu ca jù stiru i peri!  
Ttoooh!!!!ma jù sta soddisfazioni nun  
C' ià rugnu né uora e ne mmai!!  
A na moriri prima iddi nsuppilu ..  
nsuppilu Prima ca s' astutunu a mmia!!

PUD. - Jè a ttia...su si mali pinseri ca ti fanu  
Cascari malatu!!!

CAL. - : Miih...a propositu di malatei ...mi stà  
Riurdannu ca aia' telefonare o mò dut-  
-turi,Pampinedda,tu riordi,ca jucavumu  
Nsemi ri picciriddi.  
Picchè a simana passata ma jà duvutu  
Fari ncuntrollu generale..ma nò picchè  
Mi sinteva mali!!!!Sulu picchè durante  
A notti mi faceva mali u ciancu ca poi

Sibbeni u duluri mi finiu...ppi sicurezza  
Iù ddo dutturi.

Aoh!!megghiu di Pampinedda nun nni  
Canusciu dutturi!!!!

T'affuvurari...a chissa pareva na visita  
Spaziali....mi cuntrullò ncuminciannu  
Di ll'ugna de peri....sinu è capiddi ra  
Testa ...ultrasoni...tacchi..di intra e di  
Fora!!!

Puddu!!aspetta n'attimu,ca ci telefunu  
Picchè stamatina ma vò mannari ca  
'nfimmera i risultati.

(si reca al telefono e chiama lo studio)

Nenti....Pampinedda nun c'è è in sviz-  
Zera per un convegno..viri quantu jè  
Famoso raccussì..sta vinennu a nfir-  
Mera pi puttarimi i risultati.

(nel frattempo bussano alla porta ed entra l'infermiera con  
Una busta grande nelle mani)

Infermiera - : Buon giorno! Sig.Calogero...dato  
Ca u dutturi a duvutu partire..mà  
Raccumannatu di puttarici sta car-  
Tella unni ci sunu tutti i risuttati  
Da visita...ddocu intra ci sunu ma-  
Cari tutti i spiegazioni.  
Miih!!!Sig Calogero...nun aiu mai  
Vistu 'ò dutturi, cu tutta sta primura  
Pi partiri,pareva ca u ssucutavuni

- I cani rraggiati, parsi llampo dopu  
 5 Ca mi resi sta busta!!!
- CAL. - : Vò ddiri ca iera in ritardu cu  
 L'aereo..chi cci voli fari!!!
- INF. - : Jù mi nni staiu iennu, u duviri miu  
 Aià fattu!!!! Arrivederci!!!!!!
- PUD. - : Calò!! a mmia sta primura di Pam-  
 Pinedda, nun ma cunta giusta!!  
 Ci runa a busta a nfimmera jè scap-  
 Pa. Cca' mi pari ca ccè puzza di  
 Abbruciatu!!! jè tu, javi mezzura ca  
 Sta taliannu ssà busta jè ancora nun  
 T'ha dicisu di rapilla!!!
- CAL. - : Ohu!!! miih !! u sai ca nun u sapeva  
 Ca s'è cchiù curiusu ri na fimmina!!!  
 (Calogero ,apre con delicatezza la busta ed incomincia ad  
 Uscire piano piano lastre radiografiche e altri fogli che  
 Incomincia a leggere a fior di labbra, e ,man mano che segue  
 La lettura incomincia a sussultare e sbiancare in volto,  
 Buttando l'ultimo foglio sul tavolo senza profferire parola)
- PUD. - : Calò....chi fù....chi ti stà pigghian-  
 Nu ncoppu,..parra..parra...cà liggiu  
 -tu?? Rammi ccà ca leggiu jù..ca  
 Nun sugnu ntirissatu!!!  
 (Puddu, prende il foglio ed inizia a leggere)  
 Miih!!! cca ci sunu paroli ca parunu  
 Straneri!! Iddi suli i sanu leggiri...  
 Aspetta...aspetta.. ccà..ncuminciun

6

Chiddi in talianu ecco <<Trattasi di  
Un carcinoma maligno al fegato, in  
Stato avanzato, che col passare degli  
Anni è in metastasi, cioè, sta' colpen-  
Tutti gli altri organi, pertanto non  
Operabile, alla luce delle conoscen-  
Della medicina moderna.

P.S: Prospettive di vita al massimo  
Mesi 6>>

Miih!!! Calò!!! Comu po' esseri..unu  
Comu a ttia, sanu e cchinu ri vita ca  
Sa rridducci accussì!!!!

CAL. - : Puddu!!! nun parrari cchiù!!! chissi  
Sunu pugnalati jè rose profumate  
Pi tutti i mò parenti ca stanu affacci-  
Ati de finestri pi vviriri a mmia ca  
Passu da strada stinnicchiatu intra  
Na cassa di mortu.

Ma jù stu saziu nun chu ' rugnu a  
Nnuddu.

Tutti cosi m'ammuccu prima ca  
Stiru i peri. E tu ,Puddu, m'ha  
Ggiurari cca!! ca nun t'ha nesciri  
Mancu 'na parola ra ucca cu nnud-  
du senò u carcimona tu 'nficcu a

Ttia 'nda ucca!!!ha capitu?????

PUD. - : Ma chi stà ricennu Calò,mutu comu 7  
'npisci aià statu sempri che segreti tò.  
Uora,s'ha fattu taddu,jè megghiu ca  
Mi nni vaiu,senò a mo muggheri cu a  
Senti!!ca chiù gghionna passanu jè  
Cchiù rretica addiventa,sadda calafici  
Arrivederci ,Calò,nun ti priuccupari  
Ca chissi su cosi ca passunu!!!

CAL - : Si!!!raggiuni iai ,passunu..passunu  
Sulu quannu sugnu urricatu!!!!!!

( Calogero si accinge ad uscire,perché deve andare a ritirare  
La pensione.E,poiche' non vuole lasciare la casa sola.dato  
Che aspetta la bombola di gas,chiama la vicina di casa,donna  
SARA,che era comare di sua moglie la quale,da quando è  
Morta la moglie di Calogero gli tira il filo,poiché è signorina  
Grande che non si è mai sposata)

Cummari Sara....o cummari Sara!!

Può veniri 'nmumentu ccà...!!!

(Sara appare sulla porta tutta sorridente,pensando fra sé e sé  
Che il suo momento fosse arrivato finalmente)

SARA - : Calogero...ccà sugnu...a tua  
Completa disposizioni..cumannimi!!  
tu u sai ca appena fai nfriscu jù...  
Sugnu sempri sull'attenti pi ttia!!

CAL. - : Riposu...riposu...ca ccà nun semu  
nCaserma,pecciò..stai calma e soru!  
T'haiu chiamato picchì aià nnesciri  
Jè siccome avissi a veniri chiddu pi

Puttarimi a bombola do gas.

8

Cca ci sunu i soddi c'ha pai jè ppoi  
T'arritiri in bon ordine a to casa.

A capitu??

SARA - : Aià capitu...aià capitu...sulu ca  
M'avissi piaciutu chiossai ca ristava  
Cca ,t'avissi preparatu npocu di man-  
Giari,t'avissi arrizzittatu pocu di  
Rrobbi nde casseti,ca cca' intra pari  
Mmagazzinu de pizzari.

Comu si viri ca ccà ammanca na fim-  
Mina di casa comu a mmia pa assis-  
Timariti npocu comu Ddiu cumanna!

CAL. - : Nun ti preoccupari....ca jù assistima-  
Tu bbonu sugnu...pè festi e pè sima-  
-ni...jè..intra npocu ri tempu pi sem-  
-pri.pecciò fai chiddu ca t'haia rittu  
Jè nun parrari cchiù..ca stamatina  
Iau i ureda utati..a capitu?????

(Calogero esce,mentre Sara si siede pensando a quello che  
Aveva sperato sin dopo la morte della comare)

SARA - : (pensando a voce alta)Ma comu aiu a ffari pi  
Fallu cascari nda riti....a vogghia ca  
Mi smuffiu..cetti voti aiu arrivatu o  
Puntu di fare a sciantusa...ma quan-  
-nu mai..jè iauru comu n'arancia ama



9

-ra...cettu ca su mi sistimassi cu iddu  
Putissi campari cu na jamma supra  
L'otra...putissi fari a signura,ma..  
Tempu ciau a ddari ca prima o dopu  
Aià fari maturari!!!!

(nel contempo bussano alla porta ed entra la Signora Titina,  
cognata di Calogero e sorella della defunta di costui)

TITINA - : Biii...cummari Sara!!!jè vui chi ci fa-  
Citi ccà??A st'orariu n'avissuvu stari  
A vostra casa a spurigghiarivi i fa-  
-cenni intra???

(Sara, vedendola come un'intrusa e temibile concorrente nei  
Riguardi di Calogero, le risponde con fare infastidito)

SARA - : Cettu..vicina di casa sugnu cu Calo-  
gero jè C U M M A R I macari...  
Nun sulu...vostra soru, prima di mo-  
-riri, si raccumannò a mmia sula ,ca  
A so maritu, nun cià o mancarì nenti  
E jù ccà sugnu per ogni suo  
D-e-s-i-d-e-r-i-o!!!!a ta' capitu..o nò

TIT - : Bi!!!!e chista chi jè a marunnuzza  
Ro scogghiu ca esaudisci tutti i  
Disideri!!!!  
Cummari Sara...viriti ca i disideri si  
Esaudisciunu in famigghia e no ca  
Ggenti strana...chissu mi rissi mo'  
Soru prima di irasinni.

10

Perciò...mittiti u cori npaci ca cu mò

Cugnatu, a precedenza jè mmia, su  
Iddu s'avissi a dicidiri!!!

Jè ppoi vi ricu na cosa, sempri chiac-  
Chiri ra genti sunu, s'ana misu a diri  
Ca ri quant'avi ca mossi mò soru,  
nun è ca ristatu siccu!!!!

Ogni simana, sempre u stissu jornu,  
sempre a stissa ura, v'arrifriscarisi!!  
Jè nun vi ricu cchiù nenti!!!!

Scuddatavillo!!!!!!!

SARA - : Senza jabbu...ma comu vi putiti  
Mettiri nparenti da ucca???

Iavi raggiuni u proverbiu ca dici  
:quannu a jatta nun arriva o laddu ,  
rici ca jè rangidu!!

Jè vui raccussì siti!!!

Itavinni senò mi nni vaiu jù!!!!

TIT. - : Sii...megghiu jè!!!avemu ancora  
Tempu pi discurrilla!

Ricitici a mò cugnatu ca passai ri  
Ccà!!!!

SARA - : Siii! Uora ciù mettu p'iscrittu ra ccu  
Ssì nun su scorda!!!

(rimasta sola Sara, si sente un turbinio nel cervello e inizia a parlare)

Vaddati signuri mei, sta fimmina .....

A quali fimmina..chista nu riavulu jè!

Ma chi s'a' mmisu nda testa???

Jù iavi na vita ca a Calogero ci staiu

Iennu r'appressu,jè uora veni chista

Ca nun ha cuntatu mai jè u pritenni

Pi dirittu di parintela!!!

Ma quannu mai nun si nni parra

Propriu!!!

(Nel frattempo entrano Anna e Fiorella,figlie di calogero)

ANNA - : Buon giorno ,cummari Sara,mò  
Patri..unnè da intra?

SARA - : No..nun c'è ..je' sciutu jè ma las-  
Satu a mmia ccà c'aspettu a chiddu  
De bomboli!

FIGLIORELLA-: Rimmi na cosa Sara! Tu a mò patri  
U viri tutti i jorna,veru???

SARA - : Ma picchè...chi successi?? Jù nenti  
Ci aiu fattu...jù ppè a me' casa e  
Iddu pa so casa!!!Innocenti sugnu!

FIOR. - : Maah!!!chi cosa ha capitu?  
Jù ti stava ricennu ca datu ca u viri  
Tutti i jorni,pi ccasu avissutu vistu  
Suddu dda facci si viri stracangiatu  
Su jè pallidu...su ccià spuntatu  
Qualchi budda de frazzi..de manu?

SARA - : Picciriddi..ma chi stati ncucchian-

Nu...votru padri sta scuppiannu di

Saluti..a quali pallidu e pallidu,  
chiddu sinu a stamatina pareva  
gnadduzzu ca cicca isata, jè....  
Amara a ccu ci capitava ri sutta,  
picchè..jè sempri ngazzatu friscu!  
Sulu ju' ci pozzu cummattiri...  
Mù raccumannò a vostra matruzza!

FIOR. - : Senti a mmia...ppi ccasu n asti jorni  
À venutu u dutturi ccà ??

SARA - : Ohuu!!ma picchi tutti sti dumanni?  
Pi casu u vuliti viriri malatu??  
Vaiu rittu ..ca jè sanu comu npisci  
A parti ca jè sempri scurbuticu!!

ANNA - : (rivolta alla sorella) Ma si' sicura ri chiddu ca  
Ntisu o su' i malilingue ,ca .pi invidia  
O iautri cosi sa na misu na ucca??

SARA - : Ohu!!! Jù nun vogghiu sentiri cchiù  
Nenti!!!Minni staiu iennu ca iaiu  
Cchi ffari!!Ddocu ci sunu i soddi da  
Bombola. (esce)

FIOR. - : Senti..a soru..di unni arriva ssa nu-  
-tizia jè fonti sicura,picchè tutti i  
Nutizzi ca aiu avutu di ssa funtana  
Bboni o tinti sempri a na iutu a cop-  
-pu sicuru ,e jù ci criru!!

Allura,pi essiri sicuri,facemu accus-  
 Si'. Tu,chiamu a Rosa e ci rici ca  
 Veni ccà cu so 'maritu e chiama puri  
 A tò maritu,ca jù mentri chiamu a mò  
 Maritu jè u fazzu iri nda signura  
 Rachela,a muggheri di 'mbari Puddu  
 A porta ccà,raccussi facemu facci di  
 Prova.

ANNA - : Bella pinsata a soru....picchi',suddu  
 A cosa jè vera,ccà ppi forza di cosi a  
 Ma fari ncunsigghiu di famigghia!!!  
 Prima ca ritorna papà!!!

(nel frattempo,bussano alla porta ed entra la zia Titina)

TITINA - : Biii!!!! I mè niputeddi ci sunu ccà!!  
 Vostru patri,nun ha riturnatu???  
 Cu sapi unni ci luci u pilu!! Iaiu  
 L'impressioni ca vicchiana ha sta  
 Pigghiannu co cori allegru!!!  
 Certu ...sempri accussi ha statu  
 Macari quannu campava mò suruzza!

(Intanto arriva la sorella Rosa ,accompagnata dal marito Santino)

ROSA - : Chi fù???chi successi???comu mai  
 Sta riunioni di famigghia??

SANTINO-:Menu mali ca stamatina sugnu di ri-  
 -posu,raccussi' pozzu assistiri a sta  
 Bella riunione!!Ma mi pari ca ancora

Ci mancano iautri personaggi!!  
I vostri mariti, unni sunu? Pi ccasu

Sunu, o travagghiu??  
Uora pi sapiri a nutizzia, certu ca a ma  
Spittari a iddi!! No??

ANNA - : Assittativi, ..assittativi docu.. jè nun  
Aviti primura, picchi' a cosa comu  
Interessa a niautri, interessa macari a  
Vuiatri, perciò stati calmi jè cueti!!

TITINA - : Ancora nun aiu capitu nenti, ma iau  
L'impressioni ca cca' a cosa seria jè!  
Ah!! ricitimi na cosa!! nun è, ca a vostru  
patri  
cià successu quarcosa jè viautri  
Stati facennu i ntontiri ??  
Picchi, cu iddu, va bbeni, ca semu cug-  
Nati, ma semu comu frati e soru.

( in quel momento entra Sara che ha ascoltato l'ultima frase)

SARA - : Mah.. vadda chi sentunu aricchi mei  
Iddu jè frati franciscanu e idda jè na  
Soru carmelitana!!!  
Ma facitimi u piaciri Signura Titina,  
chissà cià putiti cuntari e vostri nipu-  
-ti can un vi canusciunu comu vi canu-  
-sciu jù!!!

(intanto fa il suo ingresso Turi, marito di Anna, con una battuta Fuor di luogo)

TURI - : Nun criru c'arrivai in ritardo!!! 15  
Quannu ncumincia sta festa??

ANNA- : Tu sempri u solitu sciamunitu a essiri!  
Assettiti dòcu jè nun n'apiri ucca, ca  
Quannu parri tu, inchi sempri a pignata  
Ppi tutti i fissarie ca rici!! Mutu e  
Cuetu ta stari, ca ccà i cosi seri sunu!!!

FIOR. - : Mò maritu, jaiu l'impressioni, ca jè  
Cchiù rimbambitu di tò maritu!!  
Javi du uri ca ci telefonai pi veniri ccà  
Ca signura Rachela jè ancora nun si  
Arricogghi, pare c'avissi mannatu fora  
Paisi, quann'è dòcu rarrerri a cantunera

ROSA - : Ma chi cc'entra a signura Rachela  
Quannu prima m'ha ta rittu, ca chista  
Jè na riunioni stritta di famigghia!

SANT. - : Rosa!! Nun criru ca vò sapiri a sorp-  
Resa prima di rapilla??

ROSA - : zzittiti macari tu, ca pi scemenza cià  
Vinci tu contru e to'cugnati!

TITINA - : Majù, pari ca u sapeva quannu vi mari-  
Tastuvu ,ca facistuvu a gara cu sa ò  
Pigghiari u maritu cchiù sciamunitu!  
Puttamula o curtu!! raggiunatala e

16 Viremu di cchì si tratta,ca uora veni  
Vostru patri Calogiru,c'appena vi  
Viri tutti ccà...ncoppu ci pigghia!

FIOR. - : Cu è ca iavi primura si nni po' gghiri  
Niautri stamu aspittannu a ucca da  
Verità ca si pessi cu ddu ntrunatu di  
Mè maritu!!

TITINA - :Senti...jù..primura nun cì nn'haiu jè  
Di ccà..nun mi movu!!

TURI - : Nun e' ca m'appizzari a jurnata cca'  
Ju',jaiu i mo' chiffari je' nun n'aiu  
Tempu ri peddiri cu quattru fimmini  
Cajettunu vuci,comu si forrunu a  
Piscaria!!Anna..ju' mi nni staiu jennu!

ANNA - :A ttia,t'haia rittu,ca ta stari assittatu  
Ddocu,mutu e sozzu,picchì tu comu  
O solitu nun capisci nenti!!!  
Ancora nun tà trasutu nda testa ca  
chista je' nna riunioni d'importanza  
capitali.Cca' s'ha dicidiri u futuru de  
nostri figghi e principalmente chiddu  
nostro!Pecciò,pezzu di babbu,asset-  
titi jè nun ciatari!!!!

SANT. - :Turi!! Assettiti..ca ti finiu comu a  
Pacchiottu!Aviri npocu di pacenza,



aspetta ca veni Cuncittulu, cia' ddari  
u tempu ca veni di Roma, c'agghiutu  
a pigghiari a ucca da verita' jè a porta  
ccà!!! Raccussì, finalmente sapemu  
sti gran nuvità d'IMPURTANZA  
CAPITALI!!! (risate di Santino)

ROSA - : Santinu!! a nun ti cci mettiri macari  
Tu! Niautri stamu ugghennu jè tu. o  
solitu to', ti metti a babbjari!!

TITINA -:

Chiuttosto...javi ddu uri ca riciti ca  
Stati aspittannu sta ucca da virità!  
Mu vuliti riri, na vota ppi sempri di  
Cchi' si tratta?

ANNA - : Jè..uora vu ricu jù...raccussì'siti tutti  
Cuntenti...mò.. patri..iavi.....

TITINA - : ahaa..ma o parsu chi iera u fattu...!! X

A chissu..u sapemu ca iavi fimmini!  
Jè..nun ci nni mancunu..cchè soddi  
Ca iavi!!!!

A vostru patri...a ta lassari iri...a unni  
Ci l'aviti l'occhi?? No' picchi jè me  
Cugnatu...jè no' picchi iavi na certa  
Età ..ma chiddu sempri n'ominu jè..  
Prestante..cittrignu ..u ricu jù ca iau

Esperienza jè....

SARA - : ma picchè..cummari Titina ..pi ccasu  
A ta tastatu ssu citru ? 17

TITINA- : Vi vuliti stari muta!! Vui nun aviti  
Dirittu di parrari,picchè siti strania

Jè nun siti di famigghia!!

Uora..unn'erumu arrivati?? Ca chista  
M'ha fattu perdi u filu do discussu...  
..,aha.. ndi votru patri!!

Viautri ..u canusciti comu patri e nò  
Comu ominu comu u canusciu jù!

ROSA - : Ma..zia..chi vvo riri,ca c'è qualcosa  
Fra tia e mò patri??

SARA - : Assa locu!! Chi nni mancavunu scec-  
Chi a fera!!!!

TITINA - : Vaiu rittu ..ca vui nun v'ata' mmiscari  
Ndo riscussu nostru,picchè nun ci tra-  
Siti...javi na vita ca siti sempri ca  
Ucca aperta,aspittannu ca sta ficu si  
Matura pi putilla addinticari s – c –u-r  
d-a-t-a-v-i-l-l-u!!!!

Rosa..jù cu to patri nun avemu nenti  
Di spattiri,sulu ca si senti diri in giru  
Ca faffallia npocu,cioè comu na fa-

Falla ca ci piaci appuggiarisi supra  
Tanti fiorellini,ca ccà ..stu paisi jè  
Npratu in fiore,tuttu l'annu!! 18  
Perciò..nun v'allammicati ca vostru  
Patri,iavi a testa supra e spaddi jè nun

Si fa ncantari di n-u-d-d-u!!!!

(profferendo l'ultima parola guarda di sbieco Sara)

SANT. - : Jè..bbravu mè soggiru!!!a capitu!!

A st'età...ancora si runa da fari!!!

Pecciò ..jù ca ,ancora sugnu picciottu

A spiranza ci ll'haiu!!!!

TURI - : Santinu,viri ca jù..cchiù picciottu sug-  
Nu!!!

ANNA - : Ma..vi vuliti stari muti tutti dui cretini  
Ca parrati sulu ammatula,..senza nud-  
-du cunchirumentu!!!!

Uora...vi stavu ricennu u fattu picchè  
Semu ccà!!!iè..nun m'ha ta fattu finiri  
Di parrari,picchè,a ta rittu nmunzeddu  
Di fissarii!!!!

Mo patri jè malatu r'i mali incurabile  
E iavi sulu 6 misi di vita!! **XX**

FIOR. - : Eccu!!!chissa iè a virità iè uora appe-  
-na arriva a muggheri di Puddu,ni  
Runa a conferma definitiva,ca a idda

Cià cuntatu so maritu!!!

II° A T T O

19

(Tutti gli astanti sono seduti, costernati, così sembra per la notizia che hanno appreso  
Nel frattempo fa il suo ingresso Cuncittulu, trafelato e cercando un posto dove sedersi  
Essendo stanco

CUNC. - : Ohuu!! Facitim assittari ca stancu mot-  
Tu sugnu!!!  
(rivolgendosi alla moglie Fiorella)

Ohuu..nun mi riri c' aiu arritardatu  
Picchè aiu passatu i vai!!  
Comu mi ricisti tu..aiu iutu a casa da

Signura Rachela, iè, nun ha truvai.  
Na vicina di casa mi rissi....  
(Fiorella lo interrompe con veemenza)

FIOR. - : Sii...ma a signura Rachela, unnèèè?

CUNC. - : Ohuu..iè chi sugnu saccu ca mi  
Sduvacu tuttu nna na vota???  
A vicina di casa mi rissi....aspetta,  
Ca ancora stancu mottu sugnu!!!

FIOR. - : Chissu ù sapeva ca nascisti stancu  
Mottu!!!

CUNC. - : A vicina di casa mi rissi....

SANT. - : Iè sinu a uora sunu tri i vicini di casa!

ROSA - : Statti mutu sciamunitu...u faciti  
Parrari ò cristianu!!!!

CUNC. - : A vici...in tutti i modi..mi rissi ca a  
Signura Rachela a uò iutu ndo par-  
20 Ruccheri pa' rizzittarisi npocu iè nun  
Sapeva quannu turnava!

Allura,jù chi fici,mi pigghiu a strada  
Di pettu,iè ,a pperi,mi nni vaiu ndo  
Parrucchieri,ca sapeva unn'era,arrivu  
Ddà,iè u parrucchieri mi fa :alla  
Signora abbiamo fatto il servizio ed è  
Andata via,quannu iù ci dumannu su  
U sapeva unni a o iutu,na signura che

Ficurinia nda testa,mi rici c'avia sin-  
Tutu riri,ca stava iennu ndo macillaiu,  
don Zulu ,ca iù canusciu!!

Allura..chi fazzu jù?...mi pigghiu  
Nautra vota a strada di pettu...je'..

TURI - : Mmhiii...ie'a sacunna strada ca tà  
Pigghiatu di pettu stamatina!!!!

Iè nun t'ha fattu nenti!!!aha!!!aha!!

ANNA - : Turi!!!u sa' quantu ti piaci a tia di  
Fari u cretinu!!!!

Lassulu parrari...nò sai ca tò cugna-

Tu iè raccussi quannu parra!!!  
FIOR. - : Ohuu..chi vulissitu riri??Picchi' nun  
Ti talii a tò maritu,ca quannu parra  
Nun sapi mettiri na parola appressu  
21

A nn'otra!!!!  
TITINA- : Ma cià vuliti finiri cu tutti sti frusti!!  
A tà fattu a gara cù sa o' pigghiari u  
Maritu cchiù sciamunitu!!!!  
Iè chissu iè u risuttatu!!  
A tà volutu ie' uora vi tiniti!!!!  
Cchiuttostu...va ta scuddatu ca vos-  
-tru patri nautri du jorna nun c'è  
Cchiù iè viautri siti ccà ca vi strar-  
riati ppì sti stupidaggini!!!

ROSA - : Za' Titina ,iau l'mpressioni ca chistu  
Ie' sulu l'antipastu!!!  
Tu..a' taliari nda facci e mè soru iè  
Specialmente e mè cugnati.....  
Ccià mmancunu sulu i fucili ppì  
Sparari a chiddi ca vonu addinticari  
Cchiossai!!!

ANNA - : Siii.. iè tu e tò maritu ca ta iutu ac-  
Cattari ncannuni ppa tuccarivi cchiù  
Ssai????

SARA - - Bedda matri...bedda matri ca ià sen-  
-tiri...svergognati siti senza cori!!!!

TITINA - : iè ..sempri s'arrimisca idda!!!

FIOR. - :Prima ca s'incumincia sta guerra chè

22

Fucili e che cannuni,u vulemu fari finiri  
Di parrari a mò maritu..ca i paroli cià  
Ristanu nde canna rozzi!!!

Parra cuncittulu.ciatuzzu miu!!!!!!

CUNC.- : Ah..unn' eru arrivatu??

SANT: Ta ò tà pigghiatu a strada di pettu pi  
Gghiri di don Zulu,u macillaiu!!!

CUNC: Allora ,arrivu ndo macillaiu,je' chistu  
Appena mi viri mi fa :<Don Cuncittulu  
A tà rivatu a propositu,cà ci sunu i du  
Chila di sasizza ca vostra muggheri avìa  
Ordinatu..v'ammogghiu?????>

Jù..c'avevu iautri pinseri...ma ta ccririri  
U stava mannannu all' autru paisi!!!

( Turi e Santino all'unisono)

TURI : je' a sasizza????

SANT. : Je' a sasizza?????

CUNC. : Ie' mmegghiu ca a tutti dui sciamuniti  
Nun vi rugnu cuntù!!!

Allura cià ddumannaiu su a vo' vistu

A signura Rachela...iè stu gran maledu-  
Catu..u sapiti chi mma rispunniu ???

Si. Aiu vistu ca ci l'aveva ncani da ucca!  
Iè ppoi, capennu ca jù stava addivintannu

23

Pericoloso, mi rissi ca signura Rachela  
Cià vò statu iè sinni a vò iutu a casa!!

FIOR. : ie' tu..chi facisti???

CUNC.: A ca vo ffari..nautra vota mi piggh...  
Nenti...ci vaiu sinu a casa e finalmente  
A truvai ca già era in vestaglia,iè subito  
Senza perdi cchiù tempu,ci' resi u tò  
Missaggiu!!!

FIOR. : Siiii..ma.. a Signura Rachela..unne'!!

CUNC.: Ma dittu di rarici u tempu di cangiarisi  
I robbi...iè veni subito...ahaaaa.....

SANT. : Ahaaa...a chissu rispiru di cunsulazioni  
je'...Cuncittulu,ripositi c'assai à travag-  
-ghiatu uoggi!!!!

TITINA:ma vuliti spiegarì na cosa ??

sta signura Rachela..chi ccosa iè ca va  
ddiri? Nun e' cchiù semplici ca aspittati  
a vostru patri..iè a cosa cià ddumannati  
a iddu ,su ie' veru o nò??

ANNA : Ziaa..allura tu nun 'à capitu nenti!!!



Si nuiatri ci'addumannamu a iddu  
Subbitu ni rici :ma cu nva' ncucchiatu  
Sti cosi...iddu saziu nun 'à datu mai..  
Ni rici ca a malatia da scimenza na nà

24

Mmiscatu macari a niautri,i ns mariti  
Nun si nni parra propriu!! Niautri  
Inveci a ma essiri pronti davanti e provi  
Di fattu..raccussì,sapemu comu na ma  
Cumpurtari ndo futuru!!!  
Cca...cc'è ndo menzu a vita mia,di me'  
Maritu ,de me figghi,ie' ddicemu macari  
Chidda de me soru e connessi!!!!

SARA : Gia' si stanu rriannu cu s' à rusicari  
U porcu,prima r'ammazzallu!!!

TITINA :Nautra vota idda parra...V' aiu rittu ca  
Vui siti strana iè nun v'atà mmiscari!!!

( finalmente dopo aver bussato entra la signora Rachela la quale  
S' impressiona vedendo tanta gente)

RACH. :Buon giorno..a tutta la compagnia,mi  
Fa veramente piacere vedere tutti i pare-  
Nti,unirsi quannu succerunu cosi,ca nud  
Du vulissi!!!  
Cettu..si sapi ca i figghi,sunu npezzu di  
Cori pe' patri iè sulu stannicci vicinu ca

Si senti l'affettu!!  
BBiii...macari i jenniri ci sunu ca vonu  
Beni a Calogiru comu a patri!!!  
Je'...macari a cugnata Titina staiu vir-  
ennu ...ca je' tanta affizziunata a Calo- 25

-giro ,ca pari ca forra 'nna soru!!!

SARA 'nna soru carmelitana ca 'nnisciutu  
Stamatina do cunventu di clausura!!

RACH. : Ohuu...macari vui ci siti cummari Sara  
A ddirivi a virità,jù nun ci avu fattu  
Casu! U sacciu cù a ta statu ppi  
Calogiru,a parti u cumparatu ca b'on-  
amina di so mugheri,nun a ta fattu  
mai cunfunniri..a ta statu n'angilu do  
pararistu pi iddu!!

TITINA. : N'angilu do nfernu iautru ca pararistu!

RACH. : Ohuuu...finalmente, stamu sapennu ca  
L'angili su' sempri in guerra chè dimo-  
-nii!!

Sintiti..ju' avissi npocu di chiffari a mo'  
Casa....aia' vinutu cca' picchè nun vog-  
-ghiu passari di munsignara ie' ca nun  
Sparru a nuddu!!!A ucca da virita' mi  
Chiamunu!!Allura...Chi vuliti sapiri??

Parrati!!

ANNA : Na ta' ddiri ppì filu ie' ppì ssegnu tuttu  
Chiddu ca va' cuntatu vostru maritu  
Puddu supra ddi mo' patri..di sta mala-  
26

-tia ca pigghiau ie' ..suddu iddu iera pri-  
senti quannu iddu u sappi!!

RACH. : Vegnu ie' mi spiegù!! Vostru patri iavi  
Non chiu' di 6 misi di vita ,picchi' iavi  
Ncancuru incurabili..ie' non è ca cciu'  
rissi iddu,ma, u' liggiu iddu stissu na'  
cattella ca u' dutturi Pampinedda a vo'  
mannatu a vostru patri!!viriti ca mo'  
maritu allittirato je'!!!

FIOR. : U sapemu...u sapemu,ca vostru maritu  
Sapi leggiri i carti!!!!

Cunc. : Mihiii...a sa' mmisu a fari u chiru-  
-manti uora???

FIOR. : Zzittiti..cretinu...ca cca' i cosi si stanu  
Mittennu serii!!!

Signura Rachela..uora ca na' cuntatu  
Comu stanu i fatti..lei ,comu n'ha dittu  
Prima,datu ca iavi anticchedda di chif-  
fari ,niautri a' ringraziamu e si  
po' arritirari a casa!!!

RACH. : Nooo...nun vi priuccupati,u chif-  
Fareddu mu pozzu fari macari cchiu'  
Tardi..ma a propositu ma don Calogiru  
Picchè..nun ie' cca'!!!

27

Nun criru ca a' ta' ricuviratu o spitali  
Gia'??Cettu ca..zundeddu,malamenti  
ie' misu....!!

(in quel momento,ascoltando le ultime parole di Rachela,entra  
Calogero,che vedendo tutta quella gente in casa,subito resta  
Ammutolito e, poi sbotta,con veemenza)

CALOG : Je'..oggi chi e' a festa do scummog-  
ghiu??Chi cci faciti tutti viautri cca'?

(poi accorgendosi della signora Rachela,immagina subito  
Quello che e' successo,dato che lei e' riconosciuta in paese  
Come il gazettino ufficiale)

Ahaa..a signura Rachela c'e',uora si'  
C'a' tavula ie' cunzata???

Chi e' stu fattu ??ricuviratu o spitali..  
...zundeddu...ma di cu' stati parrannu?

ROSA : Ca ddi tia ,papa'!!chi e' veru ca si'  
Malatu gravi? Niautri nun ci vulevu-  
-mu cririri..rinnillu...subbitu picchi'  
Semu supra e' spini!!

CALOG. : Inveci ju' i spini a tutti viautri,vi  
Zziccu ndo ciriveddu.

Ammitemu..per ipotesi ca iu' avissi  
A stari mali..mi vinnu tutti i proprieta'

Ie' ppi farimi curari,mi nni vaiu a Pari-  
-gi,Novajork,Londra..unni ie' gghe'  
Je' ritornu novu comu prima!!!!

FIOR. : Siii...novu comu prima ,ma..puvirazzu

28

Je' a niautri nun ci pensi????

Arristamu a'mmenzu a nna strada!!!

Viri quantu si' malignu..mancu e to'

Niputeddi pensi!aha..aha..(pianto)

CALOG. : Sintiti..uora ca ma ta datu a cunferma

Di quantu mi vuliti beni,u sapiti chi

Vi ricu :I-T-A-V-I-N-N-I e vostri

Casi jè riturnati cca',sulu quannu

Stiru i peri je' viriti tutti i proprieta'

Ca truvati...fora!!!Fora!!!!!!!

(Tutti gli astanti escono uno per uno,silenziosi

E resta soltanto Sara con Calogero)

SARA : BBonu..bbonu facisti Calogiru

( Si chiude il sipario del 2° atto)

F I N E I I ° A T T O

### III ° A T T O

(Calogero si trova seduto su di un divano, assorto nei suoi pensieri, parlando fra sé e sé

CALOG.-: Signuri mei..ma di unni arrivau stu  
ttronu do celu...na tutta a vita mia,  
nun aiu avutu .mai nna frevi,nun aià  
statu mai malatu!!!  
Aià statu sempri sanu, comu npisci  
spada ...spataiolu..mi chiamavunu!  
A..chissi..battagli c'aiu vinciutu...  
Cu mmia nuddu s'à scagghiava..tutti  
I pinni ci'appizzavunu,sia masculi ca  
fimmini!!  
Aià cummattutu nna vita,ppì farimi  
Tutti i proprietà,ppi stari uora filici  
iè cuntentu e gudirimi tutti sti cosi,  
ansemi e mè figghie iè mè niputi!!!  
Iè uora,tuttu stu tirrimotu ca mi stà  
Puttannu a fossa!!!  
Ma ..pinsannici bbonu..riciunu ,ca  
Tutti a ma moriri,prima o dopu,ma  
Picchè,iù prima iè l'autri dopu???  
Chi piccatu aiu fattu na vita??

Va dduna cianchi a morti iè cu ma

31

Purtau r'avanti!!!!

Uora,pinsannu e mè figghie.....

Nenti..megghiu ca chiamu a Puddu,  
ca chiddu jè mastro pì manteniri i seg-  
reti...

( Calogero v`a al telefono per parlare con Puddu)

Puddu..lassa tutti cosi e veni subbitu  
cc`a!!urgentimenti ca t`a j`a parrari!!!

(finisce di parlare al telefono e si sprofonda nei suoi pensieri  
Sonori parlando da solo)

Macari ca iddu iè sparritteri,cetti voti  
ci venunu lampati geniali ,ca mi fa  
rristari ca ucca aperta!!

( sente bussare alla porta)

Avanti..a porta aperta iè!!!

PUDDU-: Cal`o,a' vistu comu arrivaiu?? A tappu  
Ri cannuni ..sugnu cca'!!!

CALOG- :U' sacciu...u sacciu..c' amici si virunu  
A tempu di bisognu!!

Uora,a parti a minchionata ca fattu  
Quannu niscisti ri cc`a,sibbeni j`u t`a  
V`a raccumannatu a pecura o lupu,  
quannu arrivasti a t`o casa ci isti a  
sduvacari tutti i cosi a to' muggheri,  
comu si nun sapevutu ca idda iè cchiù

veloci di internet a trasmmettiri tutti

32

I messaggi al pubblico!!!!

Lassamu perdiri...arraggiunamu de cosi cchiù serii...Oramai ma iù fattu u cuntutu datu ca iù aià stirari i peri,prima di tutti l'autri,comu a mittemu che me' figghie??

PUDDU -:Ma picchè..i tò figghie comu a na saputu  
Cià rittu tu ppi ccasu??

CALOG.-:Puddu..a nun fari u sciamunitu cu mmia  
A nutizia ci'arrivò a idde o mumentu ca  
Tu svacantasti a coffa cu tò muggheri!  
Quannu riturnai stamatina a casa,attruvai  
A tutti ccà..figghie,ienniri,mo cugnata  
Titina ,a cummari Sara,jè macari a tò  
Muggheri pi inchiri a pignata,ci macavunu  
Sulu i picciriddi!!

PUDDU-:Mò muggheri???iè cchi cci faceva ccà???

CALOG-:A' ppà veniri di sicuru ppi legalizzari a  
bella nutizia ca tu c'iautu purtatu!!

PUDDU-:iè ..allura..comu a pigghianu a cosa i tò  
Figghie e i tò ienniri???

CALOG-:A comu avunu pigghiari sacunnu ri tia???  
Quannu ci rissi ca mi vinneva tutti cosi pi



Gghirimi a curari all'estiro...u sai chi

33

mmi rissunu <ppoi ritorni comu npuvi-  
razzu..jè a niautri iè nostri figghi ni  
lassi a 'nmezzu na strada>..chissu mi  
rispunnenu..senza pinsari ca jù mi nni  
staiu stunnannu iè ri mumentu all'altu  
o ccò matina ma trovunu che peri friddi!

PUDDU -: Menu mali ca jù nun 'nnaiu nenti,né  
Proprietà ,né soddi ne nenti,raccussi  
Sugnu tranquillu!!!!

( nel frattempo,bussano alla porta ed entra l'infermiera che prima  
Aveva portato a Calogero la cartella dei risultati clinici,tenendo in  
Mano una nuova cartella)

INFERM-: Signor Calogero,lei mi deve fare la  
Cortesia,si nun sugnu di disturbo

Di darmi indietro a cartella ca cci purtaiu  
Stamatina,picchì da ntuntuta da sicritaria,  
nda busta co so nnomu ci misi i  
risuttati ri nautru pazienti,cià resi o dutturi  
e iddu ma resi a mmia pi puttaraccilla a lei  
mi nn'aiu addunatu jù,andura a mmentri  
ca scupava ..iè a truvai suttu a scrivania:  
Chista jè a cartella so' ..ma rassi subbitu  
ca su u veni a ssapiri u dutturi Pampined-

da a mmia licenzia!!!!

34

( al sentire ciò,Calogero incomincia a tremare restando con la bocca  
Aperta per lo stupore,prende la busta che aveva messo in un cassetto  
E tremando la consegna all'infermiera prendendo in mano la nuova)

Grazie....e arrivederci e..scusate po'  
distubbu!!!

CALOG.-:Puddu!!!Puddu!!nautra vota a ccavaddu  
Sugnu!!!Mihiiii,mi salvaiu..Puddu..a tu  
Nenti mi rici???

PUDDU -:Calo' ...prima r'abballari...picchè nun  
'nnu rafi stautru biglietto da lotteria??

CALOG.-:Tè ccà..rapulu tu ca mmia tutti cosi mi  
Stanu trimannu!!tè ccà rapulu iè leggi!!

(Puddu,prende in mano la busta e incomincia a sfogliare)

PUDDU -:Viremu..allura..chista nenti..lingua  
Stranera jè..ecco..ecco..ccà ncumincia  
U talianu: <Risultato finale degli esami:  
Dopo approfonditi accertamenti eseguiti,  
si dichiara che il soggetto in esame rientra  
nella norma,non avendo riscontrato  
alcun sintomo di disturbo per la sua  
normale attività fisica.

Firmato : Dr.Pampinella

Mihiiii!!!!Calo' ...a sta vota ..ppi ddaveru  
Niscisti sutta 'nna rota di carrettu!!!!

CALOG.-:BBeddu!!!bbeddu!!!Ti vogghiu bbeni!!

Iè ti meriti nu gran rialu!!!!

35

Finalmente aiu capitu,ca i soddi,quannu  
Ci sunu,a nà ffari a felicità di tutti.

A felicità di tutti macari quannu unu nun  
C'e' cchiù na sta terra.

Nuddu m'ha ddiri,quannu sugnu mottu,  
macari cà jù nun 'nnu sentu,a facci di cu  
'nni lasso',Mai!!!!

Sara,,o Sara...veni cca'!!!

PUDDU-: Ma comu ..prima a chiamavutu cummari  
Sara,iè.uora a chiami Sara,ma rimmi 'nna  
Cosa Calo'...ma chi c'e' cosa fra tia e  
Idda?? Mihii..sempri u mistiriusu a' fattu!

CALOG.-:Statti mutu Puddu..ca chissi misteri  
Pirsunali sunu..fà finta can un à ntisu nenti  
(Sara s'affaccia dalla porta allarmata)

SARA - : Chi fu' Calogiru???Ti senti mali???  
Rimmi chi ti senti!!!ccà sugnu !!!  
Ma tistaiu virennu nda facci ,tuttu allegru  
Chi fù??Parra!!!

PUDDU -:Si viri ca iavi u cori 'nno zucchiru!!  
Andura ha ricivutu na bella nutizia..  
...jè..u stati virennu..nasciu nautra vota!  
Jè sanu jè chinu di vita!!!!  
Ddi sciamuniti inpiegati do dutturi ci

Avevunu sbagghiату a cartella so' ppi

36

'nnautra!!!po' campari cent'anni!!!

SARA - : Ma ju' ..ca u riceva ca a Calogiru sti cosi  
Nun ci putevunu succeriri a dispettu de  
Malilingue!!!Matri..Quantu sugnu cuntenta

CALOG.-:Mettiti o telefonu e chiama a tutti,e mò  
Figghie,e mo ienniri,a mmè cugnata Titina  
Iè tu..Puddu chiama a internet...scusa  
Chiama a tò muggheri..picchè,vogghiu  
A tutti cca' quannu fazzu a dichiarazioni.

PUDDU-:Ca ma' cunzari palcu pi sta dichiarazioni?

CALOG.:Puddu..fai chiddu ca ta iù rittu jè moviti  
A cura!!!

(Puddu esce di corsa,mentre Sara si reca al telefono ,poi si ferma di botto  
E rivolto a Calogero)

SARA - : Macari a signura Titina aia' chiamari??

CALOG.:Siii.tà jà rittu..chiama macari a idda picchè  
Jè soru di me muggheri,perciò jè di  
Famigghia!

A chista surpresa.... ca ciau a fari!

Sinu a ddecì minuti fa,ma vo cascatu u

Munnu ngoddu,quannu sapeva ca ò

Moriri iè ppi mmia ierunu tutti nnimici,

taliava i proprietà,i soddi iè mi 'nni

frigava ri tutti,pari ca ma ò purtari tutti

così cu mmia...uora ca jà nasciutu nautra

37

vota, jè megghiu ca l'amuri e l'affettu  
ca valunu chiossai de soddi,  
mi godu uoggi ca sugnu vivu e no'  
quannu sugnu mortu ca nun viru nenti.

SARA - : Tutto fatto!!! fà cuntutu ca fra deci minuti  
Sunu tutti cca'.

Ma...a signura Titina ..ppi forza a o'  
Chiamari??

CALOG.- : Sara...nun ti preoccupari ca ppi idda  
Ci pensu ju'!!!  
Prima ci fazzu pigghiari 'ncoppu jè  
Ppoi subbitu...subbitu a fazzu risuscitari!!  
Jè..tu... vo' mettiti u megghiu  
Vistitu ca iai...picchè dopu a ma nesciri  
Ju' e tu!!!

( udite queste parole rimane esterrefatta, si muove a destra e sinistra  
Che quasi non sa cosa fare, esterrefatta assaporando il momento  
Che Calogero stà cadendo tra le sue braccia. Va a prepararsi)  
( Nel frattempo, dalla porta d'ingresso, arrivano le figlie con i  
Rispettivi mariti tutti , in processione, arriva pure Titina , e, dato  
Che erano stati informati da Sara per telefono della felice novita',  
tutti abbracciano Calogero, mentre entra pure Puddu con sua moglie  
Rachela, ai quali Calogero si rivolge)(entra pure Sara sfarzosamente  
Vestita)

TITINA -: Bhiii...a cummari Sara. chi ssà vistutu  
Di festa ..oggi????

CALOG.-: Titina...lassala stari a Sara!!! jè ascuta

Chiddu ca staiu ricennu!!!

38

Vvaiu fattu veniri tutti cca' ..picchè va  
Ia' cumunicari 'na dicisioni impurtanti.  
Ju', stamatina ieru cu nperi intra na fossa,  
uoggi, invece aiu nasciutu nautra vota!!  
Pecciò, sugnu nautru, jè di uoggi in poi  
Cangiu vita ,iè a fazzu cangiari macari  
A vui autri, picchè pi mmia tutti viautri  
Siti u mò munnu, sinu a quannu campu,  
sulu v'è ta riurdari can un ci sunu soddi,  
p' accattari amuri jè affettu, ansignatac-  
cillu macari e picciriddi vostri!!

Detto questo, dumani matina, vaiu ndo  
Nutaru e ci mettu a nomi de me figghie,  
n' appartamento all' unu, a nnomu di mè  
cugnata Titina n' autru appartamento iè  
a nnomu di Puddu, ca pi mmia ha statu  
sempri comun frati, l' appartamento di  
cca' supra, raccussì nun paia cchiu'  
affittu!!!!

I soddi iè tutti l' autri proprieta', a morti  
Mia (cchiu' tardu possibili!!) vanu in  
Parti uguali per tutte le mie adorate figlie  
(scroscianti battute di mano degli astanti)

Iè uora nun vi puliciati!!! iè nun ha ta diri

Nenti!!!! SARA!!!!camina cu mmia ca

39

A ma gghiri n'agenzia di viaggi pi  
Prinutari ,nviaggiu pì girari u munnu  
Interu tu e....Ju'.....

F I N E

## PERSONAGGI

- 1 – Calogero (padrone di casa )
- 2 - Puddu (amico di Calogero )
- 3 - Titina (cognata di Calogero )
- 4 - Sara (comare di Calogero )
- 5 - Anna (figlia di Calogero)
- 6 - Rosa (figlia di Calogero )
- 7 - Fiorella (figlia di Calogero )
- 8 - Turi (marito di Anna )
- 9 - Santino (marito di Rosa )
- 10- Cuncittulu (marito di Fiorella )
- 11- Rachela (moglie di Puddu )
- 12- Infermiera

tel.0931-35201

cell.3420556144

Commedia in due atti scritta da Umberto Amato

\*Si prega coloro che desiderano rappresentare questa commedia, d'informare l'autore del luogo e della data, poichè, desidera assistere come spettatore



